

Hakkiwa Adamganabe Dunya Ngaro Wowurtəgənama

Katiwu Kura

Adamgana woso kalkal ye kamanzəga nəmngalwo hakkiwa-a nambe-a kənzambibelan kozənyi ye.

Lardəwa Tawakkata Dunyabedə hakkiwa adamganabe ndubesoga haptaa-a nzətkawo-a nzəliwo-asoro tarai cizə dazəna. Tarai cizə datənzə adə Tawakam Lardəwa Tawakkata Dunyabebe duwo nəmkam ummawa dunyabebe suro hakkiwa adamganabe-a kuru suro daraja-a nəmngalwo-a ummabe yitatawatsəgənadəben culuwo.

Suro Hakkiwa Adamganabe Dunya Ngaro Wowurtəgənadəben Lardəwa Tawakkata Dunyabedəye futu kəskelan asutinro hakkiwa duwo kam wosoro kalkalro kartaa adəga bayangono.

Hakkiwa anyi nyiro kartaa.

Sandi anyi hakkiwanəm

Sandiga tigənəmro fatkəgəne. Banane sandiga hapkəgəne ye liwe ye kəlanəm-a ummawa amanəm gade gapsəna-asoro.

Yitagattəgə

Adəgaima tada adamganabebe nəmngalwonzə kambaata adə-a nəmnduasə kalkalnzə-a hakkiwanzə Alanjo-adə shima ferno nəmkambe-a jirebe-a nələfabe-aro dunya ngason asutəna,

Adəgaima hakkiwa adamganabero cistəgə ba-a fallaktə-abe sawowuro kəndowa halye kurzənyi waazə hangal adamganabero karega rozəgəna, kuru dunya duwo suron adamganasoye tamtam hakkinza manabe-a nzasarabe-a kuru nambe duwo dalil baaro citə-a jero-abadə shima awo talaawaye tamazana woro warmowotə,

Adəgaima awo mərədatənədə susu adamganaga dunon təkko nəmzaləm-a njokuno-a kəriwutəbedəro howum maibeye hakkiwanzaga səliwodəma,

Adəgaima awo mərədatənədə tawaa-a nəmkam-a indikate lardəwaben haptaadəma,

Adəgaima ummawa Lardəwa Tawakkata Dunyabebe suro Tawakamdəben kamburshenza kəla hakkiwa adamganaben nanazaana, kəla daraja-a nəmngalwo-a adamganabe-a kəla kamu-a kwa-a hakkinza kalkal-aben kasadə gozana tamtam-a kəndəga ngəla-a hapsaa nambe gayaga fandoro,

Adəgaima Lardəwa Memba Kaapkədəbe woso wadəga gozana, tawaa Lardəwa Tawakkata Dunyemben, daaraja ndubeso haptaa-a hakkiwa adamganabe-a nambe gaya lajiptə-a galtəro,

Adəgaima wadə adəga yitagatəgə nankaro hakkiwa-a nambe anyi-a asutadə awoye gaya linta,

Adə Nankaro

Samno Kura Dunyabedəye

Hakkiwa Adamganabe

Dunya Ngaro Wowurtəgəna Adəga

warmazəgə

shima mizan ummawa-a lardəwa-a duksoye yitagattəgəbe wo, daji daryenzədə ndu-a nduana-asə fellawan kunten, Wowur adəga karəgən roza, ndusoro yikkəlilio-a ilmutəgə-an hakkiwa-a nambe anyi-abe nəmgayanza haptaa-ro, suro lardəbe-a indikate lardəwabe-ason ndusoye kalkalro asuzə lajipsə, suro ummawa Lardəwa Memba Karapkədəbe-a suro ummawa gade sədiyanzalan dawuna-ason.

Babu 1

Adamgana woso kambe katambo ye daraja-a hakkiwa-ason kalkalye. Hankal-a nazaru-asoro kəzəpkə ye suro hal nəmhamiben kamazasoga letaiyin ye.

Babu 2

Hakkiwa-a nambe a suro Wowur adəben dəganadə ndu-a nduana-asə kartaa, gayirtə futubibema baaro, gayirtə alama jilibeso, kadigəbeso, alagəbeso, təlambeso, adinbeso, siyasəbeso au rayiwu, lardə gade au kaduwu gade, kənganti, tambo au awowa laa gade anyiga samunzəna.

Anyibe ngawoman nduma kəla siyasaben kal, kəntəwoben kal au daraja dunyalabe sawawuro kal kərye au lardə kamdə dəganabe sawawuro gayirtinba. Lardə shi gultənəma adə kərməi kəlanzəben karga, amanaro musko lardə gadeben karga, kəlanzəlangənyi karga au sədiya kaidawa kəntəwobe laan karga yaye kal.

Babu 3

Ndu yaye hakkinzə kəla ronza-a nəmkambenzə-a nələfa kəlanzə-aben mbeji.

Babu 4

Nduma kənji au kaliyaro təgandinba, nəmkanjiro gərtə-a kənji lado-asə awostə ye daptə ye.

Babu 5

Nduma njokunoso, nəmkaladosə, shimasə, azawasə, gənətəginba.

Babu 6

Ndu yaye hakkinzə ndaran yaye shiga kamro asutabe mbeji fuwu howumbelan.

Babu 7

Nduso fuwu howumben kalkal ye kuru gayirtə baaro howumye sandiga səliwin ye. Nduso hakkinzə nzəliwobe mbeji gayirtalan fallaktə Wowur adəbe sawawuro-a kəla lan laa gade gayirtadə nankaro waazəna-alan.

Babu 8

Ndu yaye hakkinzə səlwu sandəna mataabe mbeji shara rakkata lardəbelan kəla hakkinzə gaya linta dusturye au howumye shiro cina namtənaben.

Babu 9

Nduma dalil baaro kəntasə, jerosə, lardən dutasə ba.

Babu 10

Ndu yaye hakkinzə futu mərədəzənaro shiga shara naptə kəlanzəbe walama baa ye jireə yebe kərantəbe mbeji kəla hakkinzə-a kaidawanzə-a kuru awowa gade shara zəgənyi-a tawattaaben.

Babu 11

Ndu yaye ngawo ayawu sədənaben angərdə hakkinzə kawu shiro fuwu sharaben ngawo səliwə mərədətəna shiro sədənaben ayawunzəga tawatsəginro.

Nduma kəla awo abima gənyiben ayawuro tətainba futubin waano yaye ayawudə ayawuro walzənyiga, sədiya howum lardəben au indikate lardəwaben, sa ayawu adə tədənaladən. Biya gənətəginro walwono yaye ayawu sadən tədənadəga kozəna gənətəginba.

Babu 12

Ndu kəla baaro wujirwa kəlanzəbema, yalwanzəbema, au lamar lenəm-arenzəbemaro ci təkinba, biya kəla nəmkannzə-a darajanzə-abe nankaro fitənatinba. Ndu yaye hakkinzə howumye shiga nzəlifobe mbeji kəla dalil baaro wujirwanzəro ci nzəkko-a fitənətə-aben.

Babu 13

Ndu yaye hakkinzə famno-a fato gar-abe mbeji suro dərīnəm-kəlle lardə ndasoben yaye.

Ndu yaye hakkinzə lardəbi yaye luwum koltəbe mbeji, lardə kaanzən kunten, kuru lardənzəro waltaabe ye mbeji.

Babu 14

Ndu yaye hakkinza lardawa gaden nafaka nzaliwo kolanzaɓe nankaro mata-a fando-abe mbeji.

Hakki ado ayawuwa gade siyasaa letanyi au bigawa gade nya-a kasada-a Lardawa Tawakkata Dunyabea kala kalzanyiro faidatinba.

Babu 15

Ndu yaye hakkinza namkam lardabenza mbeji.

Nduma dalil baaro namkam lardabenza adaga daptinba ye hakkinza duwo namkam lardabenza faltabe yega daptinba.

Babu 16

Kamuwa-a kongawa-a wuraata angalla woso, kalangi abibema baaro jilibema, lardabema, au adin gadebema , hakkinza nyiya kandobe-a yal fandobe-aso mbeji. Sa nyiga kandobelan sandi indiso hakkinza kalkal kuru adagaima sa gadetabe ishiya ye.

Niyiada sai kasada sandi indi kamuda-a kwada-abe mbejilan duwo tadin.

Kandaga kamun kwanbeda shima badiyaram maradagata gaya ummabe wo kuru sandiga kandagaram-a karye-ason salifoda hakkinza.

Babu 17

Ndu yaye runzalaro razaga gantoda hakkinza kuru adagaima shi-a am-a kaltam gantoda ye.

Nduma dalil baaro razaganzaga firtinba.

Babu 18

Ndu yaye hakkinza nazaru kandobe-a tawakarbe-a adinbe-a mbeji, suro hakki adoben nambe adinnza au nzasaranza faltabe-a nambe shi tilonza au suro jamuwubelan fetero au ashirlan adinza au nzasaranza yikkalio-a kando-a abutta-a lajipta-alan tartaabe mbeji.

Babu 19

Ndu yaye hakkinza rayiwu-a bayan kando-abe mbeji, suro hakki adoben nambe rayiwnza kalma baaro bayanjin kuru shilan nzara majin ye samoyin ye kuru hawarazagin futu hawarbe jilibin yaye kalangai baaro.

Babu 20

Ndu yaye hakkinza suro nalefaben samno sapta-a maamala kando-abe mbeji.

Nduma dunon karapka kasatsanyiro nzakko ba.

Babu 21

Ndu yaye hakkinza suro gumnati lardanzabero ci zakobe mbeji, shi kalanza au wokkilnza futu kalkallan kartanamben.

Ndu yaye hakkinza suro lardanzaben jamaro tunotobe mbeji.

Kasada jamabeda shima farta kantawo gumnatibero walza, kasada ado suro karno gondua ye jirebe ye larda kapson ndu-a nduana-asoye sadin ye kuru kuriya suro ashirlan au ashirga samunzanalan tadinbelan bayanta.

Babu 22

Ndu yaye kala shi memba ummabedan, hakkinza nzaliwo-a asuta-abe mbeji, kasada lardabemben au tawaa indikate lardawabemben futu fasal-a nyama-a lardadabe lagatarro, razaga-a namkamnza-a tagalisa baaro yita fuwutaga.

Babu 23

Ndu yaye hakkinza cida kandobe mbeji, cida saragana karza kando-a futu kaida sandanalan kando-a kurumason kaidu cida babelan shiga nzotakawo-a.

Ndu yaye, gayirto futubibema baaro, hakkinza cida sadana lagatarro shiga alutabe mbeji.

Ndu yaye cidama sadinga hakkinza awo alutaginmado shi-a yalwanza-a futu daranja nammadanganabe lagatarro sandiga cittanama alutagabe mbeji kuru nzara yaye nasha laa jamaro nafaka kanjobelan mbejiga diwijnba.

Ndu yaye hakkinza karapka cidawube koktabe au kalanza nzakobe mbeji tamtam kolanzaɓe nzaliwo nankaro.

Babu 24

Ndu yaye hakkinza tusu-a kundushi kando-abe mbeji, loktu cidabe angalbe kurzana-a batalla biyaa-a kunten.

Babu 25

Ndu yaye hakkinza futu kalkalro maradatanoaro kandagabe nalefa-a kandaga kaji shi kalanza-a yalwanza-abe mbeji, hatta kambu-a kanza-a kazamu-a fato-a, kurun-a awowa gade tamtambe maradatanan kunten-a, kuru hakkinza shiga nzotkawobe mbeji wanee cidaba laa, kundondi laa, nammaskin laa, namkamba laa, ngali kurwu laa au kandagaram kun-balinbe laaye shiro kanteri cuwutoga.

Ya kandewu-a tada tiwal-aso ngolaro cistaga maradazana. Duli dukso, nyiyaa au nyiya baalan katambo yaye saliwo fandoda hakkinza.

Babu 26

Ndu yaye hakkinza shiro ilmu kanjobe mbeji. Ilmu gultana ado de sulro tin, gananza yaye ilmu badiyarambe-a fuwunzaɓe maradatana-a. Ilmu badiyarambe gultana ado kanjonzaɗo mburo walzana. Ilmu nzundube-a shanabe-ado ndarason mbeji ye tawandin yero tado kuru adagaima ilmu sandin fuwunbeda ye ndusoye sawanda karajinro walza natagaye suwudiya.

Ilmuda namkam kamilga garta-a dunoato hakkiwa adamganabe-a nambenza-a nganzazero walza. Asutu-a kanadi-a namkam-a indikate lardawaben fuwuzagin. Nimgade jiliba au adinbe baro sadin, kuru lardawa Tawakkata Dnyabeye cidanza nalefa rotabedaga yitafuwuzagin.

Yaso Awasoye hakkinza burwoza jili ilmube maradazana karza dulinzaro gultagabe mbeji.

Babu 27

Ndu yaye hakkinza kal baaro lamarwa adabe jamabelan gaam luwobe mbeji, adawadan tamtam fanto-a yasan ngalwotaganzaro kala nzakko-a kuru faidanzan riwa fando-a.

Ndu yaye hakkinza nzaliwobe mbeji kala lamar barzan-a kala ro-aben cida nasha kimiyaɓen kal, ruwoben kal au muskon tandoben kal shima kunkunza sutuluiya.

Babu 28

Ndu yaye hakkinza howum duwo hakkiwa-a nambe-a suro Wowur adoben daganadaga yita bayanzaginma gantobe mbeji.

Babu 29

Ndu yaye cida jama suron dagana sandi baslan namkamnza kaima baaro yitafuwuzagin adabe kandobe mbeji.

Suro hakkiwanza-a nambenza-a yitagatsaginben, ndu yaye kalangai howumye ganazanaro dazagin taganasmaro dalil hakkiwa-a nambe-a jama gade gapsanadabe asuta darajata-a maradawa lamarwa barzanbe-a kaida suro jamaben kandagabe-a suro naptaram demokoradiyaɓen nalefa fando-a.

Hakkiwa-a nambe-a anyi futubiman dalil Lardawa Tawakkata Dnyabeye ferzanadan nguron dalilwa gadero faidatinba.

Babu 30

Abima suro Wowur adoben fasaranza lardaro, sammaro au kamro kartaaro tanyi, amari hakki abima kandobe au nya laa nganzatabe kala hakkiwa-a nambe-a suro adalan

daganadaben bannaro fasartanyi ye tanyi ye.